

Parlimen Jepun lulus PM baru
Reuters
30 Ogos, 2011

TOKYO, 30 Ogos — Dewan rendah Parlimen meluluskan pemilihan Yoshihiko Noda sebagai perdana menteri keenam negara itu dalam tempoh lima tahun ini.

Yoshihiko, 54, yang mengatasi saingan dalam parti itu semalam, merupakan Menteri Kewangan dalam pentadbiran Naoto Kan, yang meletakkan jawatan perdana menteri.

Beliau berhadapan dengan tugas besar membina semula wilayah yang musnah dalam tsunami 11 Mac lalu dan menamatkan krisis nuklear ekoran tragedi berganda itu selain menangani isu ekonomi.

Bagaimanapun beliau berhadapan dengan sokongan di Parlimen kerana pembangkang boleh menghalang rang undang-undang yang dikemukakan dan juga perpecahan dalam parti Demokratik yang memerintah.

Masih belum jelas bila Yoshihiko akan membentuk Kabinetnya. — Reuters

The Malaysian Insider
Hakcipta © 2011 The Malaysian Insider
Source: <http://www.themalaysianinsider.com/bahasa/article/parlimen-jepun-lulus-pm-baru/>